

續河南通志

續河南通志

續河南通志卷五十八

人物志

文苑

豫目鄒枚莊馬之後詞華大啟至建安諸子而豫之風雅稱極盛矣

國家作人之盛昭回雲漢而且崇實學黜浮華雖山陬僻邑亦靡不願家修廷獻以上佐

文明之治况中土山川靈淑之氣尤被化最先者乎吾見雅頌和平之聲同風三代又不僅如漢魏文苑諸人徒以文詞爲貴也續文苑志

開封府

景暹字遜翁通許人十歲入庠卓然自立深於周易尤嗜程傳作讀易五則刻石學易堂又取司馬通鑑朱子綱目大學衍義補考覈人物事類以求實用嘗謂道不遠人凡日用行習動靜語默其天理合當處卽所爲道須在在省察方有真實受用性孝母病虔禱請代竟延母生歷十年飲食藥餌必手奉不敢離篤於宗黨有施無德色倡衆約嫺睦社月一會一豆一觴立四隅爲鄉人勸臨終囑其子無用浮屠及淫樂一遵家禮著有家訓隨筆瑣言孝經貫通正解諸書中牟冉覲祖表其墓子份字心水康熙乙酉舉於鄉因父年衰三試不赴禮闈父歿哀毀盡禮辛丑成誼

士復以母老不仕杜門講學及卒門人

孔衍璉字燕胎杞縣人嗜古好學以詩賦知名與睢州湯斌讀書邑東許家岡互相砥礪順治甲午舉於鄉授汝州學正補信陽州學正造士稱極盛焉所著有彙雅櫛斥文抒辨體十則

羅繼謨字允嘉杞縣人生而聰穎異常有書買來訪一茶畢已將名稿百篇覽遍皆能記誦順治己亥成進士選庶常轉刑部員外坐謫左遷世爭珍其遺稿侯運昌字敬韋杞縣人工詩古文詞甫脫稿人爭傳誦然昌不欲以此自鳴發憤鼓志慨然以聖賢爲可學日夜警惕偶雜念一起卽切齒椎心引手自搥其股

研精六籍尤邃於易著周易印心圖贊發先儒所未
發子洛字企淳學行卓有父風

侯方曾字文榮杞縣人康熙甲子舉於鄉少年爲詩以
發抒性靈爲宗後與海內諸詩人唱酬討論法律益
細

何燹光字叔獻杞縣諸生幼賦異姿年角丕號五經笥
纂修邑志多出其手任濟源訓導律諸生甚嚴有聶
大年之風

歸德府

練貞吉字石林永城人順治初拔貢與商邱侯賈諸人
相倡和讀書自娛家無甌石而性貞介取與必嚴學

者稱爲石林先生

徐作肅字恭士商邱人作林弟幼受學於兄及長有文名與侯方域賈開宗交善舉辛卯鄉薦著有詩文集若干卷

李天馥字湘北永城人進士由翰林歷吏部尙書武英殿大學士值天下太平從容佐理若無他技工詩所著有容齋集卒謚文定子孚青字丹壑官編修有野香亭詩爲時所稱

劉榛字山蔚商邱人受業於徐隣唐刻勵爲文手一編
近寒盛暑不輟宋犂極重之

高玠字荆襄柘城人進士授中書遷山東道御史遇事

敢言爲時所稱奉使西藏運糧居塞上十載始奉召
還歸田教授生徒學者翕然宗之年八十卒玠素性
嚴慎不妄交遊惟務讀書窮理子三人皆登科有文
譽

張宗說字蓬宰夏邑人少孤母呂氏授以經書踰年遍
讀雍正癸丑成進士入翰林肆力於古思振興詩學
上繼北地信陽學士方苞嘆爲中州之雋卒年才三
十七性最孝母病日晨夕舐以舌得愈卒時猶口呼
母不置也所著怡雲草堂詩若干卷

湯準字穉平睢州人斌子性端凝慨然以聖賢自期居
內外憂哀幾滅性諸兄或有疾終夜徬徨俟愈乃喜

雍正元年 詔舉賢良方正州守薦之辭勿就研究
性命宗旨務實踐不立講學名不肯爲世俗攻訐
晚年闢臨漪園讀書其中學者稱爲臨漪先生有父
風焉

湯之暄字亮宇睢州人文正斌之孫賦性穎異以諸生
援例貢成均精詩古文辭

彰德府

王道月字仲朗湯陰人性孝友好學能文順治丙戌舉
北闈未及授官而卒道月善說詩往往得風人言外
之旨至易與尙書春秋左史諸書俱有講解

吳振周字起王安陽人世襲指揮使少補諸生好讀書

富文詞尤勵行檢與湯陰董襄爲詩文友一時名士重其名雖餽粥不繼無所干人益重

李燾字履素武安人康熙丁丑進士善屬文嗜吟咏一時綴學之士皆聞風景至薰其教者多所成就爲人樂善好施遇事有幹畧未及筮任卒人多惜之

李陶世字驂螭安陽人祖梯舉萬歷丙子鄉試陶世能詩以諸生終身自謂心力盡于詩云弟維世字菊冕亦諸生一時從遊者多賢雋王槐一許三禮尤知名性好施有長者風子鍾盛字大根順治乙亥進士任介休令有政績陞亳州牧

宋鳳來字君羽安陽人自少有文名以拔貢仕肇慶通

月陞柳州知府多善政未幾謝病歸嘯詠林泉

張幽李陶

張幽字西嘯安陽廩生好學能文尤工著述所著有讀

衛輝府

郭迓熙字騃臣輝縣人號其陽居士讀書不屑制舉業
從孫竒逢遊晚年尤嗜學以正心立品爲要孟莊有
星聚堂湯斌爲之記李滋撰其陽居士傳

劉啟祥字瑞宇滑縣人潛心理學以貢授廣文敦崇實
學齊魯燕趙之士從遊者甚衆歸田後墜戶讀書垂
老彌篤四子十孫咸登仕籍所著有大學要旨書經

心法行世

賈行素字居易獲嘉舉人性嗜學沉酣典籍孫奇逢銘其墓曰君子之藏著有客燕草亦在園集

殷元福字夢五新鄉人七歲通小學近思錄十一歲據拾五經大旨父卒家貧借故書依母紡車前假餘燭光終夜朗誦爲文力追先正不逐時趨康熙甲戌成進士選翰林改聊城知縣再補武進知縣俱有政績解組後高安朱軾方撫浙延主敷文書院明體達用一時呼小白鹿洞焉然嚮風及卒學者稱爲文介先生

孫詮字靜紫輝縣人望雅子

望雅見前志

年十一能彈琴賦

詩康熙壬戌成進士授中書歸里後抄錄祖父遺書
刊以行世卒祀鄉賢所著有四書醒義擔峯詩四卷
遊記四卷行世文集六卷藏於家

懷慶府

鍾國士字爾知河內人家貧親老無以爲養弱冠卽教
授生徒以供甘旨遭母喪哀毀過禮聞孫徵君倡道
蘇門遂徒步受學得聞伊洛淵源幾忘寢食歸緱山
題其齋曰存心讀書其間簞瓢疏水甚自得也嘗手
錄楊誠齋易傳朝夕潛玩與從學者講論孝經孜孜
不倦人得與之遊莫不飲醇酒坐春風焉丙寅夏偶
感疾自作輓詩沐浴更衣而逝著有存心齋詩文若

干卷藏於家

張燦然字天章原武人讀書好稽古潛心伊洛之學聞孫奇逢講學蘇門山徒步往從奇逢深器重之及歸從學者日衆講論畢卽屏居一室端坐終日不動里人罕識其面著東室詩草

薛瑄字彩玉原武人貢太學歸絕意仕進築室西苑講學其中教人以崇實務本爲尙詩古文詞皆有古人風著有學庸講義稿

河南府

焦賁亨字汝將登封人順治壬子舉於鄉官興化司李多所平反委察瀕海諸邑安輯全活者數萬閩人刻

石紀其德擢瑞州郡丞而歸性耽邱壑案上多列山經水志嘗病傳刑臺嵩書蕪陋考正諸書親歷二室成嵩山志行世同邑耿太史介修復嵩陽書院推主壇坫文風爲之不變

張星煥字拱辰嵩縣人康熙甲子舉於鄉沉潛於學授諸弟經史各隨其才成就之見諸家四書講義務穿鑿乃著明辨二十一卷爲仇滄柱何屺瞻所許又著西銘注解日省錄天樂堂恒言家規合參無不根極理要有所發明孫爾銘亦善屬文中乾隆戊午解元任衛輝府教授

陳懔字元熙新安諸生少志濂洛關閩之學檢身制行

以雲浦明德兩先生爲法康熙甲辰成進士聞呂簡齋宗伯講學宏運書院卽往謁談論竟日不倦除馬邑令邊陲殘破招集流亡賑貧恤孤以邑多逋欠終不可爲瘡切白之上官請告歸主教嵩陽書院遠近問業者甚衆著有四書認註說近思錄續朱編

呂履恒新安人康熙甲戌進士授寧鄉令歷戶部侍郎有政績詩詞古文皆足發聖賢奧旨有關風教遠近稱爲儒宗卒祀鄉賢著治古堂文集夢月巖詩集

趙賜琳字玉林鞏縣人年五歲從父受孝經曉大義嘗啟其父曰人如不孝何以爲人父語以小學易行者輒行之十六通諸經旁涉子史有文名琳曰學匪如

是已也請於父從耿介受業介與闢佛氏辨老莊論
圖書經緯朱陸異同而於孫鍾元共解獨解之說闡
發尤詳歸益力行親老不復應科目建立本書院聚
生徒講性命之學以明經終

姚爾申鞏縣廩生爲學以明心見性爲根本深爲湯潛
庵耿逸庵所契賞湯云義理所見針芥不爽吾道之
幸不勝喜躍耿云英卓自立獨能於書冊中尋求太
本有希文永叔之風

黃鈇字金心洛陽人乾隆壬戌進士性至孝以父母春